

Tlhaloso ya Tumello ya ho Etsa Thobalano

Tumello ya ho etsa thobalano ke qeto e etswang ka ho tseba, ka boithapo le ka ho dumellana pakeng tsa batho bohle ba nkang karolo ketsong ena ya thobalano. Tumello e ka fanwa ka mantswe kapa ka diketso, hafeela mantswe ao kapa diketso di fana ka tumello e hlakileng mabapi le ho ikemisetsa ho kena ketsong ya thobalano. Ho kgutsa kapa ho se hanyetse ha di bontshe tumello. Tlhaloso ya tumello ha e fapane ho latela bong ba monkakarolo, tshekamelo ya tsa thobalano, boitsebiso ba bong, kapa ho hlahisa maikutlo mabapi le kgetho ya bong.

Tumello ketsong efe kapa efe ya thobalano kapa tumello e etswang pele ho ketso ya thobalano dipakeng tsa kapa le motho ofe kapa ofe hase hakaalo hore e fana ka tumello ketsong efe kapa efe e nngwe ya thobalano.

Tumello e ya hlokahala ho sa tsotellehe hore na motho ya qalang ketso o tlasa tshusumetso ya dithethefatsi le/kapa jwala kapa tjhe.

Tumello e ka fanwa qalong empa e ka hulwa nako efe kapa efe.

Tumello e ke ke ya fanwa haeba motho a se na matla, e leng ntho e etsahalang ha motho a se na bokgoni ba ho kgetha ka tsebo ho nka karolo ketsong ya thobalano. Ho se be le matla ho ka bakwa ke ho se hlaphohelwe kapa ho robala, ho thibelwa e se ka boithapo, kapa haeba ka tsela e itseng motho a sa kgone ho fana ka tumello. Ho latela tekanyo ya botahwa, motho ya tlasa tshusumetso ya jwala, dithethefatsi, kapa dintho tse ding tse tahang a ka se be le matla mme kahoo a sitwa ho fana ka tumello.

Tumello e ke ke ya fanwa haeba e le ka lebaka la qobello, tshoso, ho hatellwa, kapa tshoso ya ho ntshwa kotsi.

Haeba tumello e hulwa kapa e se e ke ke ya kgona ho fanwa, ketso ya thobalano e tlameha ho kgaotsa.

Ho Hlakolwa ha Diqoso Tsa Boitshwaro ba Tshebediso ya Dithethefatsi le Jwala

Bophelo bo botle le polokeho ya moithuti e mong le e mong mona Rockland Community College di bohlokwa ka ho fetisisa. RCC e a tseba hore baithuti ba nnileng ba nwa jwala le/kapa ba sebedisa dithethefatsi (hore na tshebediso e jwalo ke ya boithatelo kapa hase ya boithatelo) nakong ya diketso tsa dikgoka, ho kenyelleditswe empa ho sa fellwe ho dintwa tsa ka malapeng, dintwa tsa baratani, ho latella motho ka lekunutu, kapa tlhekefetso ya thobalano, ba ka ba leqe la ho tlaleha diketsahalo tse jwalo ka lebaka la ho tshaba ditlamorao tse ka bang teng tsa boitshwaro ba bona. RCC e kgothalletsa ka matla hore baithuti ba tlalehele bahlanka ba setsi ka dintwa tsa ka malapeng, dintwa tsa baratani, ho latella motho ka lekunutu, kapa tlhekefetso ya thobalano. Paki e tlalehang ka maikutlo a matle kapa motho ya tlalehang ka maikutlo a matle ya senolang ketsahalo efe kapa efe ya dintwa tsa ka malapeng, dintwa tsa baratani, ho latella motho ka lekunutu, kapa tlhekefetso ya thobalano ho bahlanka ba RCC kapa molaong a ke ke a angwa ke mehato e nkwang ho latela khoutu ya boitshwaro ya RCC's bakeng sa ditlolo tsa maano a tshebediso ya jwala le/kapa dithethefatsi tse etsahalang nakong ya kapa nako e haufi le ketso ya dintwa tsa ka malapeng, dintwa tsa baratani, ho latella motho ka lekunutu, kapa tlhekefetso ya thobalano.

Bili ya Ditokelo tsa Baithuti

Baithuti kaofela ba na le tokelo ya ho:

Etsa tlaleho molaong wa selehae le/kapa mapoleseng a mmuso;

Etsa hore ditshenolo tsa dintwa tsa ka malapeng, dintwa tsa baratani, ho latella motho ka lekunutu, le tlhekefetso ya thobalano di sebetswe ka botebo;

Etsa qeto ka hore na ba senola kapa ha ba senole tlolo ya molao kapa botlokotsebe le ho nka karolo ha makgotla a kenella kapa bohatong ba kgalemo le/ kapa tsamaisong ya thibelo ya tlolo ya molao ba sa hatellwe ke setsi;

Nka karolo ketsahalong e nang le toka, e se nang leeme, mme e fanang ka tsebiso e lekaneng le monyetla o utlwahalang wa hore ba mamelwe;

Tshwarwa ka tsela e nang le seriti le ho fumana ho tswa setsing tlhokomelo ya bophelo bo botle ka tsela e mosa, e nang toka, e nang le boitlhompho le ditshebeletso tsa keletso e thobang maikutlo, moo di fumanehang;

Lokoloha maikutlong afe kapa afe a hore motho ya tlalehileng o phoso ha ditlolo tseo tsa molao le botlokotsebe di etsahala, kapa hore o ne a lokela ho etsa ka tsela e fapaneng ho qoba ditlolo tse jwalo tsa molao le botlokotsebe;

Hlalosa ketsahalo ho baemedi ba setsi ba fokolang kamoo ho ka kgonahalang le hore a se hlokwe ho pheta ho sa hlokahale tlhaloso ya ketsahalo.

Ho sireletswa boiphetetsong ba setsi, moithuti ofe kapa ofe, moqosuwa le/kapa moipiletsi, le/kapa metswalle ya bona, lelapa le batho bao ba ba tlwaetseng moo setsi se laolang teng;

Fihlella bonyane boemo bo le bong boipiletsi kgahlanong le qeto ya lekgotla;

Felehetswa ke moeletsu wa kgetho ya bona ya ka thusang le ho eletsu motho ya tlalehang, moqosuwa, kapa moipiletsi nakong yohle ya nyewe ya boahlodi kapa bohato ba kgalemo ho akarelletswa nakong ya dikopano le dipuisano tsohle tse amanang le mohato o jwalo;

Ho sebedisa ditokelo tsa botho le tlwaelo ya bodumedi kandle ho tshitiso ya patlisiso, tsamaiso ya ho lwantsha botlokotsebe, kapa ho kenella ha lekgotla kapa mehato ya kgalemo ya setsi.

Ditokelo di sebetsa ho sa tsotellehe morabe, mmala, botjhaba, tumelo, bodumedi, bokowa, bong, boitsebiso ba bong kapa boitlhaloso, tshekamelo ya tsa thobalano, boemo ba lelapa, ho ima, maemo a ditshobotsi tsa lefutso, boemo ba tsa sesole, boemo ba ho ba phofu ya dintwa tsa ka malapeng, kapa kahlolo ya tlolo ya molao hape ho sa tsotellehe hore na tlolo ya molao kapa botlokotsebe di etsahala o le khamphaseng, kandle ho khamphase, kapa nakong eo o ithutang dinaheng tse ding.

O na le tokelo ya ho etsa tlaleho Mapoleseng a Yunifisithi kapa Taolong ya Tshireletso ya Khamphase, molaong wa selehae, le/kapa Mapoleseng a Mmuso kapa ho kgetha ho se tlalehe; ho tlaleha ketsahalo setsing sa hao; ho sireletswa ke setsi boiphetetsong ka lebaka la ho tlaleha ketsahalo; le ho fumana thuso le matlotlo a hlokahalang ho tswa setsing sa hao.